

ქ. ზუგდიდი

29 მარტი 2013 წელი

ერთის მხრივ, შ.პ.ს „სასტუმრო ანაკლია“ (შემდგომში „შემსყიდველი“), მისი უფლებამოსილი წარმომადგენლის, შ.პ.ს „სასტუმრო ანაკლია“-ს დირექტორი იოსებ თოდუას სახით და მეორეს მხრივ, შ.პ.ს „ჯიბე“ (შემდგომში „მიმწოდებელი“), მისი დირექტორის გიორგი ხაბელაშვილის სახით, საქართველოს კანონის „სახელმწიფო შესყიდვების შესახებ“, „სახელმწიფო შესყიდვების განხორციელების წესის შესახებ დებულების“ ფარგლებში ვდებთ წინამდებარე ხელშეკრულებას შემდეგზე:

1. სელშეკრულების საბანი

1.1 ხელშეკრულების საგანია შ.პ.ს „სასტუმრო ანაკლია“-ს საკუთარი სახსრებით, „შემსყიდველის“ მიერ „მიმწოდებლისაგან“ სხვადასხვა სასურსათო და სამეურნეო საქონლის (შემდგომში „შესყიდვის ობიექტი“) შესყიდვა, წინამდებარე ხელშეკრულებით გათვალისწინებული პირობების შესაბამისად.

2. სელშეკრულების ღირებულება

2.1 „შესყიდვის ობიექტის“ სავარაუდო ღირებულება (საქართველოს კანონმდებლობით დადგენილი ყველა გადასახადის, გათვალისწინებით) განისაზღვროს 300 (სამასი) ლარის ოდენობით.

3. შესყიდვის ობიექტის ხარისხი და გარანტია

3.1 „მიმწოდებელი“ იძლევა გარანტიას, რომ მიწოდებული „შესყიდვის ობიექტი“ იქნება ხარისხიანი.
3.2 „შესყიდვის ობიექტის“ ხარისხი უნდა შეესაბამოდეს საერთაშორისო სტანდარტებს.

4. შესყიდვის ობიექტის მიწოდების პირობები

4.1 „შესყიდვის ობიექტის“ მიწოდება „მიმწოდებლის“ მიერ განხორციელდება მოთხოვნისამებრ.
4.2 „შესყიდვის ობიექტის“ მიწოდების პარალელურად, მიმწოდებელი ვალდებულია უზრუნველყოს თანმხლები დოკუმენტაციის წარდგენა „შემსყიდველისთვის“ (საგადასახადო ანგარიშ-ჟაქტურა ან კანონმდებლობით დაშვებული სხვა დოკუმენტი).

5. ანგარიშსწორების შორეა და წესი

5.1 ანგარიშსწორება „მიმწოდებელთან“ განხორციელდება უნაღლო აგარიშსწორებით.
5.2 უნაღლო ანგარიშსწორება განხორციელდება საქონლის მიწოდებიდან 20 სამუშაო დღის განმავლობაში

6. მხარეთა უფლება-მოვალეობანი

6.1 „შემსყიდველი“ ვალდებულია:

6.1.1 უზრუნველყოს მისთვის გადაცემული „შესყიდვის ობიექტის“ შესაბამისი ანაზღაურების გადახდა „მიმწოდებლისათვის“ წინამდებარე ხელშეკრულების პირობათა სრული დაცვით;

6.2 „შემსყიდველი“ უფლებამოსილია:

6.2.1 „მიმწოდებლისგან“ მოითხოვოს ნივთობრივად უნაკლო „შესყიდვის ობიექტის“, ხელშეკრულებით დადგენილი ოდენობითა და ვადაში მიღება;
6.2.2 „მიმწოდებლის“ მიერ ხელშეკრულებით გათვალისწინებულ პირობათა შეუსრულებლობის შემთხვევაში შეწყვიტოს ხელშეკრულება;
6.2.3 თვით ან მოწვეული ექსპერტების მეშვეობით, დაუბრკოლებლივ განახორციელოს „მიმწოდებლის“ მიერ გადაცემული „შესყიდვის ობიექტის“ ხარისხის შემოწმება;
6.2.4 „მიმწოდებლისგან“ მოითხოვოს „შესყიდვის ობიექტის“ გადაცემის შესახებ დადგენილი ფორმის დოკუმენტაციის გაფორმება.

6.3 „მიმწოდებელი“ ვალდებულია:

6.3.1 ხელშეკრულებით დადგენილ ვადაში ხელშეკრულებით დადგენილი ოდენობითა და ღირებულებით მიაწოდოს ნივთობრივად უნაკლო „შესყიდვის ობიექტი“;
6.3.2 ხელშეკრულების მოქმედების პერიოდში „შემსყიდველს“ წარუდგინოს „შესყიდვის ობიექტთან“ დაკავშირებით ნებისმიერი სახის ინფორმაცია და დოკუმენტები;
6.3.3 საკუთარი ხარჯებით უზრუნველყოს „შემსყიდველის“ მიერ გამოვლენილი „შესყიდვის ობიექტის“ მდგომარეობასთან დაკავშირებული ყველა ნაკლის აღმოფხვრა;



- 6.3.4 „მესყიდვის ობიექტის“ მიწოდებასთან დაკავშირებით მოთხოვნის შემთხვევაში წარუდგინოს „შემსყიდველს“ მიწოდებული „მესყიდვის ობიექტის“ შესახებ შესაბამისი პირველადი დოკუმენტაციის ასლები და ანგარიში, დაუყოვნებლივ აცნობოს „შემსყიდველს“ ხელშეკრულებით გათვალისწინებული ვალდებულებების შესრულების შეუძლებლობისა ან/და ხელისშემშლელ დაბრკოლებათა შესახებ;
- 6.3.5 ხელშეკრულების შესრულების პერიოდში სუბკონტრაქტების დადების აუცილებლობის წარმოშობის შემთხვევაში, წერილობით აცნობოს „შემსყიდველს“ შესაბამისი თანხმობის მისაღებად.

6.4 მიმწოდებელი უფლებამოსილია:

- 6.4.1 „შემსყიდველისგან“ მოითხოვოს ამ ხელშეკრულებით გათვალისწინებული ვალდებულებების სრულად და დროულად შესრულება.

7. უფლებების გადაცემა

- 7.1 „მიმწოდებელს“ არა აქვს უფლება „შემსყიდველის“ წერილობითი თანხმობის გარეშე მთლიანად ან ნაწილობრივ გადასცეს მესამე პირს ხელშეკრულებით გათვალისწინებული უფლება-მოვალეობანი.

8. ხელშეკრულებაში ცვლილებების შეტანა

- 8.1 ხელშეკრულების დამდებ არც ერთი მხარეს არა აქვს უფლება ცალმხრივად შეცვალოს ხელშეკრულების პირობები.
- 8.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.
- 8.3 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

9. შეტყობინება

- 9.1 ნებისმიერი შეტყობინება, მხარის მიერ ხელშეკრულების შესაბამისად, გავგზავნება მეორე მხარეს წერილობითი სახით, ხელშეკრულებაში მითითებულ მეორე მხარის მისამართზე.
- 9.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

10. ხელშეკრულების შესრულების შეფერხება

- 10.1 ხელშეკრულების შესრულების პროცესში მხარეთა წინაშე წარმოშობილი დაბრკოლების გამო ნაკისრი ვალდებულებების ვერ ან არაჯეროვნად შეუსრულებლობის საფრთხის შესახებ, მხარე ვალდებულია აცნობოს მეორე მხარეს შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. ხოლო შეტყობინების მიმღები მხარე კი ასევე დაუყოვნებლივ აცნობებს თავის გადაწყვეტილებას აღნიშნულ გარემოებებთან დაკავშირებით.
- 10.2 იმ შემთხვევაში თუკი ხელშეკრულების პირობების შეფერხების გამო მხარეები შეთანხმდებიან ხელშეკრულების მოქმედების ვადის გაგრძელებაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

11. ხელშეკრულების მოქმედების პადა და ხელშეკრულების შეწყვეტა

- 11.1 ხელშეკრულება ძალაში შედის მხარეთა მიერ ხელის მოწერის თანავე და მოქმედებს 2013 წლის 1 აპრილამდე.
- 11.2 ხელიშეკრული მხარის მიერ ნაკისრ ვალდებულებათა შეუსრულებლობის გამო მეორე მხარე, უფლებამოსილია ცალმხრივად შეწყვიტოს ხელშეკრულების სრული ან ცალკეული პირობების მოქმედება.
- 11.3 ხელშეკრულების შეწყვეტის შესახებ მხარეს ეცნობება წერილობით ხელშეკრულების (ან მისი ნაწილის) შეწყვეტამდე 2 (ორი) კვირით ადრე მაინც, ამასთან, უნდა მიეთითოს მიღებული გადაწყვეტილების საფუძველი და მისი ამოქმედების თარიღი.

12. ფორს-მაჟორი

- 12.1 მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევეს შესაბამისი დროით, გარემოებათა დასრულების შემდეგ.
- 12.2 თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდება სამ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.
- 12.3 მხარე, რომელსაც შეექმნა ფორს-მაჟორული გარემოება დაუყოვნებლივ აცნობებს ამის შესახებ მეორე მხარეს.

13. **დავების გადაწყვეტის წესი**

- 13.1 ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.
- 13.2 შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

14. **ხელშეკრულების ინსპექტირების პირობები**

- 14.1 „შემსყიდველს“ ან მის წარმომადგენელს უფლება აქვთ ხელშეკრულების ნებისმიერ ეტაპზე განახორციელოს კონტროლი „მიმწოდებლის“ მიერ ნაკისრი ვალდებულებების შესრულებაზე.
- 14.2 „შემსყიდველი“ უფლებამოსილია განახორციელოს ხელშეკრულებით ნაკისრ ვალდებულებათა შესრულების, აგრეთვე მიღებული „შესყიდვის ობიექტის“ ხარისხის, რაოდენობის, შენახვის და მიწოდების ვადების კონტროლი.
- 14.3 „მიმწოდებელი“ ვალდებულია „შესყიდვის ობიექტის“ მიწოდების განხორციელების დროს ინსპექტირების ჯგუფს შემოწმების პროცესში აღმოუჩინოს ხელშეწყობა, არ შეუქმნას ხელიშემშლელი პირობები და წარუდგინოს „შესყიდვის ობიექტის“ მიწოდებასთან დაკავშირებით ნებისმიერი სახის ინფორმაცია და დოკუმენტები.

15. **დასკვნითი დებულებანი**

- 15.1 მხარეები ხელმძღვანელობენ ურთიერთპატივისცემის პრინციპით და თანაშრომლობის გარდამავების სურვილით.
- 15.2 ხელშეკრულების მხარეები ვალდებული არიან გაუფრთხილდნენ თითოეულის სახელს, საქმიან რეპუტაციას და ღირსებას.
- 15.3 მხარეები ვალდებული არიან დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია.
- 15.4 ხელშეკრულების მხარეებს არა აქვთ უფლება გააკეთონ განცხადება, მეორე მხარის მიერ ხელშეკრულების ვერ ან არ შესრულების, მისი შესრულებისას დარღვევების შესახებ და ა.შ. თუ წინასწარ არ მოხდება შესაბამისი საკითხის ერთობლივი შესწავლა და შესაბამისი ფაქტების დადასტურება.
- 15.5 ხელშეკრულების დებულებებში ცვლილებების ან დამატებების შეტანა შესაძლებელია მხოლოდ მხარეთა შორის შეთანხმების წერილობითი გაფორმების შედეგად.
- 15.6 წინამდებარე ხელშეკრულება შედგენილია 2 (ორი) თანაბარუფლებიანი ძალის მქონე ეგზემპლარად და ინახება მხარეებთან.

16. **მხარეთა რეკვიზიტები**

„შემსყიდველი“

„მიმწოდებელი“

შპს „სასტუმრო ანაკლია“
 ს/კ 419982674
 მისამართი: ქ. ზუგდიდი, სოფ. ანაკლია
 ბანკი: ს.ს. „საქართველოს ბანკი“-ს ც/ფ.
 ბანკის კოდი BAGAGE22
 ანგ. №GE15BG0000000260928600

შპს „ჯიბე“
 ს/კ 206335223
 მისამართი: გიორგი ახვლედიანის 3
 ბანკი: ლიბერთი ბანკი
 ბანკის კოდი LBRTGE22
 ანგ. №36028457

შპს „სასტუმრო ანაკლია“
 დირექტორი **ი. თოდუა**

შპს „ჯიბე“
 დირექტორი **ზ. ხაბელაშვილი**



206
 (Handwritten notes and stamps on the right margin)